

Svífðu litla, létta blað ...



7. tbl., 3. árg., október 2014
Skóladeild Akureyrar



Lestraraðstoð fyrir erlenda nemendur í 1. og 2. bekk á Amtsbókasafninu


Þann 7. október s.l. fóru konur í Lionsklúbbnum Ylfu af stað með lestraraðstoð fyrir erlenda nemendur á þriðjudögum milli kl. 16:30 og 17:30. Þær eru ánægðar með þá nemendur sem hafa komið en vilja endilega sjá fleiri! **Við biðjum því kennara um að ítreka þetta góða tilboð við foreldra þegar tækifæri gefast og hvetja þá til að mæta með börn sín á Amtsbókasafnið á þriðjudögum!**




Erlendir nemendur leik- og grunnskóla

Í haust tóku leik- og grunnskólastjórar saman upplýsingar um fjölda erlendra nemenda í skólum sínum. Í grunnskólunum fá samtals um 95 nemendur einhverja aðstoð í íslensku sem öðru máli og eru Pólverjar flestir af erlendum nemendum okkar. Alls eiga nemendur grunnskólanna um 23 móðurmál skv. skýrslum um aðstoð í íslenskunámi en í raun eru þau aðeins fleiri.

Í leikskólum eru teknar saman tölur um öll tvítyngd börn og þau hafa samtals 31 móðurmál. Eins og í grunnskólunum eru pólsk börn fjölmennust erlendra barna í leikskólunum eða 19 en mörg tungumál eru töluð af aðeins einu til tveimur börnum og fjölskyldum þeirra.



Leikskólar



Kennsla, ráðgjöf og fræðslufyrirlestrar

Eins og eðlilegt er mótast verkefni mín af aðstæðum og fjölda nýrra, erlendra nemenda í skólum bæjarins hverju sinni. Það sem af er hausti hef ég verið að kenna þeim erlendu nemendum sem koma til okkar án þess að hafa nokkra íslenskukunnáttu og eru á mið-og unglíngastigi, samtals um 20 tíma á viku.

Ég hef einnig verið með fræðslu um fjölmenningu og kennslu nemenda með íslensku sem annað mál í HA og í síðustu viku var ég með fræðslu fyrir kennara á vegum skóla- og frístundasviðs Reykjavíkurborgar. Þess á milli hitti ég kennara og foreldra til skrafs og ráðagerða um ýmis mál. Verkefnin eru því fjölbreytt og skemmtileg.

Starfið er enn í mótun og endilega hafið samband ef þið hafið óskir eða ábendingar.



Séð á förnum vegi – í Hlíðarskóla

Í Hlíðarskóla fangar fallett „árstíðatré“ augað.

Þær Bryndís og Erla sögðu mér að í tréð hefðu þau notað greinar af runnum og bundið þær saman með girni. Það eru boruð þrjú lítil göt í endana á hverri grein og svo þrætt í gegn frá þeirri neðstu og upp og þannig er hægt að stilla þær af svo að greinarnar hreyfist ekki eða hallist. Alltaf er sería með glærum perum í trénu. Fyrir jólin er það skreytt með hvítum, perluðum snjókornum. Um páskana breytist það í páskatré og á haustin er það skreytt með greni, lyngi og berjum. Friðardúfan minnir okkur á að hafa frið og vináttu að leiðarljósi, allan ársins hring.

Hér sjáum við tréð í haustbúningi sínum. Flott hugmynd!



Með bestu kveðjum,
Helga